

Қазақстан Республикасының Қаржы нарығын
және қаржы ұйымдарын реттеу мен қадағалау
жөніндегі агенттігі

Қазақстан Республикасының
Қаржы рыногын және қаржылық
ұйымдарды реттеу мен қадағалау
жөніндегі агенттігі
басқармасының 2004 жылғы 12
шілдедегі N 193 қаулысы.
Қазақстан Республикасының
Әділет министрлігінде 2004
жылғы 11 тамызда тіркелді. Тіркеу
N 2996. Қаулының күші жойылды
- ҚР Қаржы нарығын және қаржы
ұйымдарын реттеу мен қадағалау
жөніндегі агенттігі
Басқармасының 2005 жылғы 30
шілдедегі N 269 қаулысымен.

Агентство Республики Казахстан по
регулированию и надзору финансового рынка и
финансовых организаций

**Қазақстан Республикасының Әділет министрлігінде N 2591 тіркелген,
Қазақстан Республикасының Ұлттық Банкі Басқармасының "Мемлекеттік
емес облигациялардың шығарылымын мемлекеттік тіркеу және
облигацияларды орналастыру және өтеу қорытындылары туралы есепті
қарау ережесін бекіту жөнінде" 2003 жылғы 27 қазандағы N 385 қаулысына
толықтыру енгізу туралы**

"Бағалы қағаздар рыногы туралы" Қазақстан Республикасы Заңының 1-
бабының 28) тармақшасына сәйкес Қазақстан Республикасының Қаржы нарығын
және қаржы ұйымдарын реттеу мен қадағалау жөніндегі агенттігінің Басқармасы
ҚАУЛЫ ЕТЕДІ:

1. Қазақстан Республикасының Ұлттық Банкі Басқармасының "Мемлекеттік
емес облигациялардың шығарылымын мемлекеттік тіркеу және облигацияларды
орналастыру және өтеу қорытындылары туралы есепті қарау ережесін бекіту
жөнінде" 2003 жылғы 27 қазандағы N 385 қаулысына (нормативтік құқықтық
актілерді мемлекеттік тіркеу тізілімінде N 2591 тіркелген, Қазақстан
Республикасы Ұлттық Банкінің "Қазақстан Ұлттық Банкінің Хабаршысы" және
"Вестник Национального Банка Казахстана" N 25 басылымдарында 2003 жылғы
01-14 желтоқсанда жарияланған) мынадай толықтыру енгізілсін:



«ЗҚАИ» ШЖҚ РМК лауазымды тұлғаның ЭЦҚ мәліметі бар QR-код



ҚР НҚА ЭББ-гі нақты
құжатқа сілтеу QR-коды

көрсетілген қаулымен бекітілген Мемлекеттік емес облигациялардың шығарылымын мемлекеттік тіркеу және облигацияларды орналастыру және өтеу қорытындылары туралы есепті қарау ережесі: мынадай мазмұндағы 12-1-тармақпен толықтырылсын:

"12-1. Ипотекалық облигациялар мынадай жоғары өтімді активтермен қамтамасыз етілуі мүмкін:

- 1) ақшамен;
- 2) Қазақстан Республикасының мемлекеттік бағалы қағаздарымен;
- 3) кредиттік рейтингтің халықаралық шкаласы бойынша "AA"-дан ("Standard & Poor's" және "Fitch" рейтингтік агенттіктердің жіктемесі бойынша) немесе "Aa2"-ден ("Moody's Investors Service" рейтингтік агенттік жіктемесі бойынша) рейтингтік бағасы бар шетел мемлекеттерінің бағалы қағаздарымен;
- 4) сауда-саттықты ұйымдастырушының "A" санаты бойынша ресми тізіміне енгізілген Қазақстан Республикасының заңдарына сәйкес шығарылған Қазақстан Республикасы мен басқа мемлекеттер ұйымдарының мемлекеттік емес эмиссиялық бағалы қағаздарымен.

Ақша мен бағалы қағаздар ипотекалық облигацияларды шығарған және орналастырған кезде ипотекалық облигацияларды қамтамасыз ету құрамына жатқызыла алмайды. Айналыс процесінде ипотекалық облигацияларды қамтамасыз етуге жатқызылған бағалы қағаздар мен ақшаның құны қамтамасыз етудің жалпы құнының 20%-тен астам емес болуы тиіс."

2. Бағалы қағаздар рыногының субъектілерін және жинақтаушы зейнетақы қорларын қадағалау департаменті (Шалғымбаева Г.Н.):

1) Заң департаментімен (Байсынов М.Б.) бірлесіп осы қаулыны Қазақстан Республикасының Әділет министрлігінде мемлекеттік тіркеуден өткізу шараларын қолға алсын;

2) осы қаулы Қазақстан Республикасының Әділет министрлігінде мемлекеттік тіркелген күннен бастап он күндік мерзімде оны Қазақстан Республикасының Қаржы нарығын және қаржы ұйымдарын реттеу мен қадағалау жөніндегі агенттігінің мүдделі бөлімшелеріне, "Активтерді Басқарушылар қоғамдастығы" Қоғамдастық нысанындағы Заңды тұлғалар бірлестігіне, "Қазақстан қаржыгерлерінің қоғамдастығы" Заңды тұлғалар бірлестігіне,

"Қазақстан тізілім ұстаушылар қоғамдастығы" Заңды тұлғалар бірлестігіне және жинақтаушы зейнетақы қорларына жіберсін.

3. Қазақстан Республикасының Қаржы нарығын және қаржы ұйымдарын реттеу мен қадағалау жөніндегі агенттігінің қызметін қамтамасыз ету департаменті (Несіпбаев Р.Р) осы қаулы Қазақстан Республикасының Әділет министрлігінде мемлекеттік тіркелген күннен бастап он күндік мерзімде оны Қазақстан Республикасының бұқаралық ақпарат құралдарында жариялау шараларын қолға алсын.

4. Осы қаулы Қазақстан Республикасының Әділет министрлігінде мемлекеттік тіркеуден өткен күннен бастап он төрт күн өткеннен кейін қолданысқа енгізіледі.

5. Осы қаулының орындалуын бақылау Қазақстан Республикасының Қаржы нарығын және қаржы ұйымдарын реттеу мен қадағалау жөніндегі агенттігі Төрағасының орынбасары Е.Бахмутоваға жүктелсін.

Төраға